

www.BibleForChildren.org

Matiu 26



Ka onomo rane
koa meke kamo
sa Inevana Pasova,
si la pa Betani se Zisu,
vasina koa se Lazarasi,
sapu va toa pulea Sa pa minate.
Meke vagia Mere sa oela
nadi viana sapu humaņa
lea, padana keke kukuru
lita, sapu sage hola hinoluna, meke
zoropo nia sa pa nenena Zisu, meke
ņuzapa va popa nia kaluna sa, ke sa humaņa
lea si tivusu toa pa doduruna sa vetu.



Meke taluarae se Ziudasi, keke ri ka manege rua disaepeli, la koari nati hiam a pude vata qora nia se Zisu koa rini, gua. Meke totošo avosia rini sa nana zinama, si qetu hola si arini, meke va tatara nia rini pude ponia poata si asa, gua. Ke podalae hata ia Ziudasi si keke lolomo leana pude vata qorae nia koa rini se Zisu, gua.




Ke la sari disaepeli meke va
namanama vekoa rini sa
hinenahena Pasova, gua tugo sapu
tozi ni Zisu. Meke sipu korapa
henahena rini, si vagia Zisu si keke
bereti, meke mana nia, meke
videvidea Sa, meke poni Sa koari
Nana disaepeli meke zama guahe:
“Hie tugo sa Tiniqu,
mi vagia mamu
hena ia,”
gua si Asa.




Beto asa, si vagia Sa sa kapa
vaeni, meke zama leana nia Sa
koe Tamasa, meke vala Sa koa rini
meke zama, “Mi napoa si hie gamu
doduru. Hie sa eharaqu sapu tokoro
va nabuna sa vinariva egoi vaqura te
Tamasa, sapu zoloro pude ta vulasa
palae sari na sinea tadi sokudi.”



Meke zama se Zisu, “Saimone, Saimone, ele va malumia Tamasa se Setani pude podeke gamu, pude varipaqaha ni saripu leadi na kaleadi gua sapu varipaqaha ni sari na kapu huiti koari na kikodi. Ba ele varavara nigo Rau si goi Saimone, pude lopu mate taloa hokara sa mua rina_ḡerane. Ke pana kekere pule mae goi, si mu va ni_ḡnirai sari disaepeli tura_ḡamu,” gua se Zisu.



Ba olaṅa la koa Sa se Pita, “Baṅara, arau si va namanama pude luligo la pa vetu varipusi, babe la mate turaṅigo,” gua si asa. Ba olaṅa la ia Zisu si asa, “Pita, Maqu tozi nigo, sipu lopu ele kabo sa kokorako kohite boṅi, si kaqu oso Nau goi ka ṅeta totoṣo,” gua se Zisu.



Meke turaṅa lani Zisu sari
Nana disaepeli pa keke
vasina pozana Qetisemani.
Meke tozi ni Sa sarini,
“Habotu tani gamu,
maqu hola la varavara
pana hoi si Rau,” gua si
Asa. Meke zama si Asa,
“Tamaqu, loketoṅa si tasuna
koa Goi. Mamu va rizu taloa ia
sa kapa tinasigiti hie koa Rau,
ba lopu Qua hiniva, ba lalae
Mua hiniva tu Goi,” gua si Asa.



Ke turaña la nia Ziudasi koasa inuma asa si keke puku solodia Roma meke sari na tie kopu pa Zelepade, pu ta garunudi koari na nati hiama na Parese, paleke dia tiñitoña varipera na zuke, meke na zuke oto huda tugo. Meke keke ri kasa disaepeli arini, si seke tarasa pania sa kali taliña mataona sa nabulu tanisa nati hiama kenukenue. Ba norei Zisu si arini, meke zama, “Beto, lopu tavete gua asa!” gua si Asa. Meke la tañinia Sa sa taliñana sa nabulu, meke ta salaña si asa.




Meke tuqe vagia rini se Zisu, meke turaña la nia ri pa vetu tanisa ñati hiama kenukenue. Se Pita si lululi mudi nana, seseu vasina hite koarini.

Meke totošo va katua rini si keke nika pa kokorapana sa pavasa pa sadana sa vetu tanisa ñati hiama, meke habotu vari likohae nia rini, si la somana habotu koarini se Pita.



Ba keke ri kasa nabulu
tanisa n̄ati hiama
kenukenuue, pu ari
turaṅana sa tie pu
seke tarasa pania Pita
taliṅana si zama, “Agoi mo
hie sapu dogorigo rau sapu
ene luli somanae koa Sa pa
inuma!” gua si asa. Ba zama
pule tugo se Pita, “Lokari,” gua;
meke kabo mo sa kokorako pa
totoso asa. Ke vura taloa se Pita,
meke la kabo n̄usun̄usurae
pa sada.



Beto asa si turu sari doduru pu
somana koasa Sanihiderini sa puku
tie varipitui tadi na tie Ziu, meke
turaña la nia rini koe Paelati d se
Zisu. Ke nanasa la ia
Paelati se Zisu, “Vea,
Agoi tugo sa Bañara
tadi na tie Ziu?” Meke
olaña si Asa, “Uve, gua
tugo sapu zama nia goi


sana,” gua si Asa.



Hiva vata rupahia e Paelati se Zisu,
ke tepa pule la tugo koasa vinarigara
tinoni si asa. Ba velavela nono la mo
si arini, “Va matea pa korosi! Va
matea pa korosi!” gua si arini.




Ke tiqe va malumu vala nia Paelati
koa rini se Zisu pude madi va matea
pa korosi, gua. Meke turaṅa taloa nia
rina solodia se Zisu. Meke palekia Sa
sa nana korosi, meke la kamo pa
keke vasina sapu ta pozae, “Batu
Tomate,” (Pa zinama Hiburu si
Qoloqota.)



Vasina si poka nia rini si Asa pa korosi.
Meke karua tie pule si pokani tugo
rini pa hopeke dia korosi,
koa varikali pa karu
kalina e Zisu.



Meke sipu kamo sa korapa rane si huporo sa doduru popoa, osolae kamo tu neta koloko, ura lopu kalalasa mae sa rimata. Meke ta rikata rua sa poko gobana sa Lose Hopena, pa korapana sa Zelepade pa Zerusalema. Meke velavela va ululae se Zisu, meke zama, “Tamaqu, pa korapa limamu si luara vekoa Rau sa Maqomaqoqu,” gua si Asa, meke tiqe mate.



Na Rane Va Namanama bisa sa
rane asa, sapu sa rane vugo si sa
rane Sabati. Ke sipu tata lodu
sa rimata, si sage va
mataqara la se Zosepa,
tie pa Arimatia, koe
Paelati meke tepa
vagia sa sa tinina e
Zisu.

Na somanana koasa
Sanihiderini, sa puku
tie varipitui tadi na tie
Ziu, meke asa ba
somanana aqa nia tugo
sa minae tanisa
Binaḡara te Tamasa.



Holua Zosepa si keke poko keoro
lineni. Va gore vagia sa sa tinina e
Zisu, meke hade nia koasa
poko keoro, meke la vekoa
sa pa korapa lovu sapu
ta horena pa kali
toqere.

Beto asa si topili tuku
la nia sa si keke patu
nomana pa sasadana
sa lovu.



Meke sipu kamo pule keke rane, sapu
sa rane Sabati si mae koe Paelati
sari na nati hiama, na
Parese. Zama si arini,
“Banara, lopus mulini nia
gami sa zinama tanisa
tie kokohana sana
sipu lopus ele mate
Sa; zama si Asa,
‘Pana
hola



neta rane si kote toa pule
pa minate si Asa, 'gua.”



“Ke taluarae si arini meke la tokoro va
nabu valeania rini sa patu tukuna sa
lovu, meke veko nia tie
kopu rini si asa pude
kopu totoko nia.”



Pa vaqavaqasa rane Sade, pa
mudina sa rane Sabati, si topue la
sari Mere sa barikaleqe pa
vasileana Magidala, meke
keke Mere pule, pude la
hopiki nia sa lovu, gua.
Pa totoaso asa si
kamo va hodaka
gana si keke niu
lavata.



Gore mae pa maṅauru si keke
mateana te Tamasa meke la topili
pania sa sa patu tukuna sa
lovu, meke habotu hake
nana koasa patu. Sari tie
kopu si matagutu
sisigiti, ke neneqara
si arini, meke doṅo
guana tie matedi.




Meke zama la koari karua barikaleqe
sa mateana, “Mi lopu matagutu,
gilania qua rau sapu korapa
hata ia gamu, se Zisu sapu
tava mate pa korosi. Ba
lopu koa tani si Asa.
Ele toa pule tu si
Asa, gua tugo sapu
ele tozia Sa. Mae
mamu



dogoria sa vasina
pu eko Sa.”




Ke tuturei taluarae pa lovu sari karua.
Matagutu dia, ba qetuqetu hola dia tugo;
meke totoſo haqala la sari karua
pude la tozi ni sari kasa Nana
disaepeli, gua, si tutuvu va hodaki
Zisu sari karua, meke zamai Sa,
“Mi koa bule,” gua si Asa. Meke
mae hoqa todoŋo koa Sa sari
karua,



tuqei rini sari nenena,
meke vahesia rini si Asa.





Mumudi si vura la koari ka manege eke disaepeli se Zisu, toতোসো korapa henahena si arini. Meke norei Sa, sina loke dia rinaṅeraṅe si arini, meke korodia va hinokari rini, sarini pu dogoria mudina sapu turu pule si Asa, gua. Meke sipu beto zama koarini se Zisu sa Baṅara, si ta hena sage la pa Maṅauru si Asa, meke habotu pa kali mataona sa Tamasa.



Ura tataru sisigiti nia Tamasa sa kasia
popoa, ke poni nia Sa sa Tuna ekei,
pude arini pu raña si Asa
si lopu kaqu tava kilasa pa
Heli ba kaqu tagoa rini
sa tinoa hola.



Roma 3:23 ura ele tavete va sea sari doduru tie, ke lopu hite nana kamoā rini sa tinoŋoto te Tamasa.

Roma 6:23 Ura sa tinabara tanisa sineā si na minate tugo, ba sa vinariponi moka te Tamasa si na tinoā hola pa korapa Zisu Karisito sa nada Baŋara.

Hiburu 9:27 Gua tugo hopeke gita si kote mate keke totoŋo mo, beto asa si kote tiqe ta pitu koe Tamasa.

Episasi 2:8,9 Ura koasa tataru variharupi mo te Tamasa, si ta harupu si gamu pa korapa rinaŋerane, meke sa tinaharupu si lopu mia tinavete telemia, ba na vinariponi mo te Tamasa. Ke loke tie si boka vahesi pule nia, sina lopu mae gua pa mia tinavete soti si asa.



Roma 10:9,10 Be helahelae vura nia goi pa nuzumu sapu e Zisu sina Baṅara, meke va hinokaria goi pa bulomu, sapu va toa pulea Tamasa se Zisu pa minate, gua, si kaqu ta harupu si agoi. Ura totošo va hinokara ia gita se Zisu pa korapa buloda, si ta pozae na tie toṅoto si gita koe Tamasa. Meke sipu helahelae vura nia gita sa nada vina hinokara, si ta harupu si gita.

Zone 3:16,17 Ura tataru sisigiti nia Tamasa sa kasia popoa, ke poni nia Sa sa Tuna ekei, pude arini pu raṅea si Asa si lopu kaqu tava kilasa pa Heli ba kaqu tagoa rini sa tinoa hola. Ura lopu garunu mae nia Tamasa sa Tuna pude pitu ia sa kasia popoa, ba pude ta harupu sa kasia popoa koa Sa.



1 Zone 5:11-13 Meke hie tugo sa vina sosode, sapu ele poni nia Tamasa koa gita sa tinoa hola. Meke sa tinoa hola hie si koa pa korapana sa Tuna. Asa sapu tagoa sa Tuna, si tagoa sa sa tinoa hola. Ba asa sapu lopu tagoa sa Tuna, si lopu tagoa sa sa tinoa hola. Kubere atu nia rau si hie koa gamu pu va hinokaria sa Tuna Tamasa, pude boka gilana valeania gamu sapu ele tagoa gamu sa tinoa hola.



Matiu 26-28; Luke 22-24; Zone 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Roviana Bible (rug) © 2016, Wycliffe Bible Translators, Inc.
All rights reserved.

<https://live.bible.is/bible/RUGWBT/GEN/1>

©2025 Bible for Children, Inc.

www.M1914.org

www.bibleforchildren.org

